



Broj: 01/13-04-1043/22
Sarajevo: 11.02.2022. godine

GRADSKO VIJEĆE GRADA SARAJEVA
G-din Jasmin Ademović, predsjedavajući Gradskog vijeća

Predmet: Amandman na Prijedlog Odluke o dopuni Kalendara obilježavanja datuma i događaja značajnih za Grad Sarajevo, dostavlja se

U skladu sa članom 124. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Prijedlog Odluke o dopuni Kalendara obilježavanja datuma i događaja značajnih za Grad Sarajevo, a koji će biti razmatran na Dvanaestoj sjednici Gradskog vijeća Grada Sarajeva, podnosim amandman kako slijedi:

AMANDMAN

U članu 2. Prijedloga Odluke o dopuni Kalendara obilježavanja datuma i događaja značajnih za Grad Sarajevo, poslije riječi „Kalendar dopunjava u poglavlju“, dodaju se riječi „I, iza tačke 1., dodaje se nova tačka 1a koja glasi:

2a. „Dani Isa-bega Ishakovića“, **Dan obilježavanja:** 01. 02., **Nosilac obilježavanja:** Gradska služba za obrazovanje, kulturu, sport i mlade, Stručna služba gradonačelnice Grada Sarajeva i Udruženje za zaštitu kulturne baštine Isa-beg Ishaković“; **Način obilježavanja:** Prema programu nosilaca obilježavanja, i u“.

(Član 2. Odluke bi, ukoliko se usvoji predloženi amandman glasilo:

Član 2.

Dopuna Kalendara se vrši na taj način da se Kalendar dopunjava u poglavlju I, iza tačke 1., dodaje se nova tačka 1a. koja glasi” Dani Isa-bega Ishakovića, **Dan obilježavanja:** 01.02., **Nosilac obilježavanja:** Gradska služba za obrazovanje, kulturu, sport i mlade, Stručna služba gradonačelnice Grada Sarajeva i Udruženje za zaštitu kulturne baštine Isa-beg Ishaković“; **Način obilježavanja:** Prema programu nosilaca obilježavanja i u poglavlju II Vjerski praznici – Način obilježavanja riječima „Posjeta delegacije Grada Sarajeva i Komisije za odnose sa vjerskim zajednicama i crkvama Gradskog vijeća Grada Sarajeva poglavarima vjerskih zajednica uoči obilježavanja svakog zvaničnog vjerskog praznika svih konfesija u Bosni i Hercegovini“.)

GRADONAČELNICA

Doc. dr. Benjamina Karić, s.r.

DOSTAVITI:

- naslovu
- evidencija



OBRAZLOŽENJE

Polazeći od činjenice da je Sarajevo grad bogate i dugogodišnje tradicije i historije, koja seže iz dalekih prošlih vremena, predložen je ovaj amandman u namjeri da se u Kalendar događaja od značaja za Grad Sarajevo uvrsti i događaj „Dani Isa-bega Ishakovića”, kao znak odavanja dužne pažnje našem poznatom vakifu Isa-begu Ishakoviću.

Naime, djelovanje Isa-bega Ishakovića, prema ocjenama velikog broja eminentnih i priznatih historičara, nedvojbeno je doprinijelo formiranju Sarajeva kao grada prepoznatljive urbane cjeline čiji razvoj traje do danas. Ovo je i razlogom da se Isa-beg Ishaković smatra osnivačem/utemeljiteljem Sarajeva.

Grad Sarajevo je i ranije nastojao da kroz prigodne programe i aktivnosti obilježi „Dane Isa-beg Ishakovića, ali bi uvrštavanje ovog događaja u zvanični Kalendar događaja od značaja za Grad Sarajevo na pravi i realan način dalo značaj imenu i djelu Isa-beg Ishakovića.

Ovdje treba pomenuti da se ovom tematikom bavilo i u ranijem periodu te da je u tom cilju sačinjen i Elaborat u čijoj izradi su učestvovali profesori: prof. dr. Aldia Husića, prof. dr. Behiae Zlatar i prof. dr. Enes Pelidija, a kojim je prikazan značaj obilježavanja historijskih datuma za jedan grad pa tako i datuma za koji se smatra da je utemeljen naš grad, Isa-Begovom Vakufnamom koja datira iz davne 1462. godine.

Uvidom u raspoloživi Elaborat, kao i dopis koji je na traženje Gradske uprave dostavila JU „Historijski arhiv Sarajevo“, utvrđeno je da se 1. februar, kao najstariji mogući datum pisanja Vakufname, odredi kao dan na koji bi se na prigodan način obilježio lik i djelo Isa-beg Ishakovića,

Cijeneći naprijed navedeno, a naročito činjenicu postojanja potrebe da se važniji historijski događaji ne smiju i ne trebaju zaboraviti, već naprotiv, dostojno obilježiti, upućen je i predmetni amandman kojim se predlaže uvrštavanje 1. februara kao događaja od značaja za Grad Sarajevo kada bi se obilježili Dani Isa-beg Ishakovića.

U prilogu ovog amandmana nalazi se Elaborat o značaju obilježavanja historijskih datuma, kao i dopis JU „Historijski arhiv Sarajevo“, broj 02-289-2/19 od 08.02.2019. godine.